

正犯之人以十九次受刑遽為分揀則恐乖懲惡之道

當初尹仁恕位

訴於元衡故其議如此

傳于政院曰三公議則如一以已服招辭照律可

也○日暈左有珥夜良方如火氣彗星見於軫星東北七八度許尾指西南長一尺餘色微白○慶尚監司馳啓曰奉化縣巨川雖大旱未嘗斷流而今忽斷流云

壬午

上御朝講正言李憲國曰頃見禮曹公事則韓琦至為

無狀前者周世鵬李滉作書院於安裕所居之鄉以屬公田屬之以供儒生而自上賜號及書冊崇儒重道之意至矣韓琦以所屬之田給於空門云洪暹在此豈偶然聞而啓之乎洪暹曰書院地形深邃可合藏修之所而且有田以供儒生故士之往棲者甚多而非初試入格者則不許韓琦以年少子弟使往讀書迷劣之人挾父兄之勢凌轢儒生故儒生皆散去云其奪田事則非韓琦之所為乃內需司之所為也然為韓琦者宜報監司轉達于朝廷然後給之可也不報監司徑自給之此則韓琦之失也○上御書講○夜流星出弧星入天社星狀如梨尾